



KOMUNIKADU IMPRENSA: Pasu ne'ebe alkansa husi Programa Treinamentu ba Kontrator Sira.

“Lansamentu husi Programa Treinamentu ba Kontrator Sira husi ERA Agro-Forestry, marka hanesan pasu signifikanse ba Supporta Parseria ba Sustentável Agro-Forestry (PSAF)”. Ida ne'e hatete husi Sr. Simon Le Grand, Cefe Kooperasaun ba Delegasaun Uniaun Europeia ba Timor-Leste no reafirma husi parte interesadu sira seluk durante lansamentu treinamentu ba kontrator 10 ne'ebe halo iha Comoro, Dili, 29 Janeiro 2018. Simon Le Grand, observa katak UE, finanseiru ba projetu ne'e, hare ba oin katak kontribuisaun projetu ne'e atu hamenus kiak liu husi kriaun kampu traballu iha investimentu ba infrastrutura, kria asesu ba merkadu no empregue ne'ebe sai tarjetu ba jovem no feto sira iha area Agro-Florestal.

Durante lansamentu, agente implementador, iha mos apresiasaun ba OIT atu implementa projetu sira ne'ebe bele hatudu oinsa infrastrutura bele kria, rehabilita no mantem kustu ho efektivu liu husi metodu maun obra hodi kria empregue tuir pratika ambiental ne'ebe seguru. Augustus Asare, Cefe Misaun OIT haforsa katak OIT sei kontinua suporta intervensaun destinada ba kriaun sustentável serbisu liu husi politika favoravel ba empregue. Ida ne'e sei enkaisa ho Estrutura Dezemvolvimentu Nasaun nian inklui Planu Estratejiku Dezemvolvimentu Nasional (2016-2030).

Projetu ERA Agro - Forestry hanesan komponenti ida husi Parseria ba Sustentabilidade Agro - Forestry (PSAF) entre Timor - Leste, Uniaun Europeia (UE), Alemaña (GIZ) no Organizaun Internasional ba Traballo (OIT). Objektivu prinsipal mak kontribui ba dame, inklusivu no dezemvolvimentu sustentável iha Timor - Leste liu husi halo melloramentu ba asesu rural, kriaun empregue, oportunidade receita ekonomika no domestika liu husi dezemvolvimentu iha agro-florestal no redusaun inseguransa alimentar no malnutrisaun iha area rural sira.

Iha deklarasaun Boas Vindas, Padre Gui husu ba kontrator sira atu kontinua aprende no dezemvolve an hodi nune'e bele sai kompetitivu. Kontrator sira mos enkoraja atu adere ba kualidade serbisu, prosedimentu kontratual no espesifikasaun hato'o husi Vice Prezidente CCI-TL, Sr. João Alves.

Iha Observasaun introdutoria, Sr. Albert Uriyo, Gestor ba Projetu ERA Agro-Forestry, apresia ba suporta no involvimentu husi parseiru sira hodi bele liu obstakulu hirak ne'ebe hasoru no realiza pasu ida ne'e. Louva ba Kompania sanulu (10) ne'ebe seleionadu tamba sira liu husi prosesu selesau ida ne'ebe kompetitivu no rigoroju tebes. Proponente ba asuntu jeneru inklui UE no AMTL liu ona tarjetu 30% hodi komplementa projetu ne'e, liu husi fasilita 50% partisipasaun kompania feto nian. Partisipante ba kursu kompostu husi, Director sira, Engineiru sira, no Supervisor sira sei hala'o treinamentu komprensivu iha semana 11 nia laran iha Dili no Baucau. Instituisaun treinamentu akreditadu, mak hanesan Centro Treinamentu Don Bosco no IADE mak fo treinamentu. Treinamentu ida ne'e dezenia hodi akomoda nesidade kontrator no kliente nia obstakulu no modulu ne'ebe sei fo inklui Metodu Maun de Obra ba Konstrusaun Estrada Rural, Konstrusaun Pavementu, Manutensaun, Pratika, Gestaun Kontratu no Negosiu.

Durante abertura oficial, mensagem enkorajadora mos hato'o husi Presidente Autoridade Munisipiu Baucau Sr. Antonio Guterres, promete katak sei fo apoiu tomak ba programa ida ne'e. Sr. Antonio Guterres mos husu atu kompania sira hametin etika professional, tamba sira sei la responsabiliza ba sira nia an rasik maibe ba comunidade Baucau tomak. Kontrator no bainaka sira ne'ebe partisipa iha abertura ne'e hetan mos perspektiva liu husi filme badak (snapshot ERA) ne'ebe fo sai durante abertura no hetan testemuña husi kontrator ne'ebe simu ka partisipa ona iha treinamentu.

Projecto ERA-AF buka atu kapasita kontrator 40, hamutuk ho Governo Central no Oficial Munisipiu sira atu konstrui no supervizona estrada rural iha area agro-florestal nian. Alem de treinamentu, iha mos expektasaun atu rehabilita estrada 90 km ba fatin agro-florestal iha Baucau, Viqueque, no munisipiu sira seluk durante tinan 4 nia laran tuir dursaun husi projetu nian. Ida ne'e sei fasilita asesu ba merkadu, sei hamosu loron servisu 450,000 no benefisia mais ou menus uma kain 6,000 iha area agro-florestal ne'ebe implementa ba. ERA-AF iha espekta katak bele sai katalizador hodi lori dezemvolvimentu no impaktu ba iha area agro-florestal liu husi kriaun infrastutura sustentável no asiadu oportunidade ba empregue liu husi utilizaun rekursu lokal ne'ebe disponivel iha balansu no ho responsabilidade.